

خۇ شەپزە ئەكە!!

د. ئاشتى غەبدولحەكىم

۱- ((ب.م.س)) ژ دەقەرا ((سەرسنكى)) دىيىت:

ئەقە ۲۰ سالە من شويكرى. پشتى شويى من ب سى سالان بابى من مرى و دايكا من ژ نەچارى ب سەر ھەوى شوى ب تىن من كر. ژبەر كۆ من و زەلامى خۇ زارۆك نەدبون و دايكا من و زەلامى خۇ كچەك ب ناڧى ((ق)) ھەبو، من و زەلامى خۇ ئەو كچك ل سەر ناڧى خۇ تووماركر. نھۆ ژىن وى ۱۶ سالن و قوتابيا ئامادىيى يە و مېرى من و تىن من دڧىت بدەنە برازايەكى خۇ، لى ((ق)) نەڧىت شوى بكەت و دىيىت دى خۇ سوژم. ئەز چاوا ڧى ئاريشەيى چارەكەم؟

*خانم ((ب.م.س)): ئەف كچا تو ژى دىيىرى دىتە كچا تە و خويشكا تە و كچا تىن تە، ئانكو چىرۆكا تە وەك مامكان ((مەتەلۇكان)) خۇيا دىت!!! ئەو ئاريشەيا تو و كچا خۇ كەڧىنى يا سەير و ئىتتیکە نىنە و ل ھەمان دەم چارەيا وى كارەكى سەخت نىنە. ھەلبەت كچا تە يا بچويكە و ھىشتا قوتابىيە و ب دروستى نكارىت ب بەرپرسىين شويكرى و مالتاڧاكرى و ب خودانكرنا زارۆكان رابىيت. پىدڧىيە زەلامى تە و براىى خۇ ((ھەردوو بابىن كچكى)) خۇ ژ مەژى و ھزروبىرىن ڧەمايى و پاشكەڧتى قورتال بكن و ب دوو چاڧىن ڧەكرى ل ژىنا نوى بنىرن و خورتى لى نەكەن كۆ بى دلى خۇ شوى بكەت و مالا خۇ و يا مېرى خۇ وىران بكەت. يا دروست ئەو كچك خويىدنا خۇ ب دووماھى بىنىت و نىزىكى ژىن ۲۲ سالىي بىت و پاشى ئەو ب خۇ برىارا شويكرنا خۇ بدەت بى مائىكرنەكا سوړ و سوړ ژ لايى بابى يان مامى ڧە. بلا كچا تە ھزرا خوسوتنى نەكەت. چ كەس نكارن وى ب خورتى بدەنە شوى. بلا رژد بىنىت ل سەر برىارا خۇ و ھەكەر ڧى چەندى مفا نەبوو بلا ھوارا خۇ بگەھىنىتە ھندەك كەسىن ڧەھما و ماڧويل د بئەمالى دا و من باوھرى ھەيە كۆ ل دووماھىي دى ھەردوو بابىن وى رىژى ل برىارا وى گرن و چ ئاريشە نامىن.

۲- ((ە.ك.ج)) ژ دەقەرا ((دەشتازى)) دىيىت:

ئەز قوتابىي زانكويى مە و كورى ئىكانە مە د مالى دا و من ھەفت خويشك ھەنە و چوار ژ وان د شويكرىنە. نھۆ ھەڧسويەكى مە بى خويشكا من يا پىنجى بۆ كورى خۇ دخوازىت و داخوازا پىگھۆركانى دكەت. من ژى دڧىت خويىدنا خۇ ب دووماھى بىنم و پاشەرۆژەكى بۆ خۇ مسوگەر بكەم زىدەبارى كۆ من دل ل سەر كچا وان نىنە، لى دايابىن من دڧىت نەڧىن خۇ بەرى مرنا خۇ بىين. ئەز چ بكەم؟

*باوھرىكە ھەڧال ئەز باش ھەستى ب خەما تە دكەم. بەلى ل ھەماندەم تە دىنم وەك كەسەكى لاواز و بى زەڧەر و خۇ بەردايە دناڧ لەپىن دايابىن خۇدا. دڧىت بزانى كۆ رىزگرتنا دايابان تىشتەكە و بى برىار و بى كەسايەتى مان تىشتەكى دى يە. تو قوتابىي زانكويى بى و گەرەك بزانى ھەتا كۆ دوو دل بىنە ئىك گەلەك ژىك نىزىكبون و پىكڧەرەبون و روىنشتن و دان و ستاندىن پى دڧىن. باشە دى چاوا چوار دلان كەيە ئىك؟ ھەلبەت ئەڧە ھىشتا ب زەحمەتترە. ل دويڧ ھزر و بىرىن من پىگھۆركانى كارەكى بازركانى يە پتر ژ كارەكى خزماتى. ھەكەر ل دەمەكى ئەڧ كارە دناڧ كوردەوارىي دا ھەبىت ژ نەچارى نابىت ئەڧرۆ بىنىت يان چ نەبىت نابىت دناڧ تەخەيا رەوشەنبىردا ڧەژىت.. ئەز دى شىرەتەكى ل تە كەم بلا بىتە گۇھارك د گۇھى تەدا: ئىحتىمالا ژىك نەگرتنا تە و ھەڧژىنا تە ((ئەوا ھندەكا بۆ تە دىتى)) يا نىڧ نىڧەيە و ھەمان تىشت بۆ خويشكا خۇ ژى دانە. ئانكو ئىحتىمالا ژىكگرتان تە و وى كچى دى بىتە ۲۵% چونكى تو باش دزانى پراىيا مە كوردان ھىشتا بى ب زمانى ھوزاتىي د ئاخڧىن و ھەكەر ئاريشەيەكا مەزن دناڧبەرا تە و ھەڧژىنا تە دا رويدا دى شلقىن وى ل ژىنا خويشكا تە و ھەڧژىنى وى ژى دەن. ئانكو ئەو ھەرچوار دلن ب خورتى پىكڧە ھاتىنە گرىدان نەدويىرە ھەمى قەيد و زنجىرىن خۇ بشكىنن و خۇ رزگار بكن ب ھەر رىكەكى. رىكا ژ ھەمىان ژى بى ئاريشەتر بەردانە و باش ھزرى بكە دئەنجامىن وى دا.